

Mótt. 18.09.14 TH

2013-12-0028

Samstarfssamningur Tónlistarfélags Ísafjarðar og Ísafjarðarbæjar um rekstur Tónlistarskóla Ísafjarðar.

Ísafjarðarbær, Hafnarstræti 1, 400 Ísafirði og Tónlistarfélag Ísafjarðar (TÍ), Austurvegi 11, 400 Ísafirði, gera með sér svohljóðandi samstarfssamning:

1. gr.

Markmið.

Samningi þessum er ætlað að ramma inn og skýra samstarf TÍ og Ísafjarðarbæjar þannig að hlutverk hvors fyrir sig sé ljóst. Báðir aðilar munu starfa samkvæmt lögum og reglugerðum um tónlistarskóla. Samningurinn hefur það að leiðarljósi að börnum og ungmennum sveitarfélagsins gefist kostur á að taka þátt í góðu, fjölbreyttu og uppbyggilegu tónlitarnámi. Lögð er áhersla á að skólinn taki þátt í samstarfi við grunn- og leikskóla sveitarfélagsins um kennslu yngri nemenda.

2. gr.

Fjárframlög

Bæjarstjórn ákveður árlega framlag Ísafjarðarbæjar til TÍ og skal miðað við fjölda nemenda og samsetningu þeirra. Úthlutunin byggir á árskýrslu fyrra árs, sjá grein 5. Framlag Ísafjarðarbæjar rennur til greiðslu launakostnaðar kennara og skólastjóra samkvæmt áætlun skólans sem samþykkt hefur verið í bæjarstjórn. Kennarar TÍ skulu njóta launa í samræmi við kjarasamninga við stéttarfélag þeirra á hverjum tíma. Þeim er heimil þátttaka í söfnunarsjóði lífeyrisréttinda eða öðrum þeim lífeyrissjóði sem viðkomandi starfsmaður hefur aðgang að.

Úthlutun miðar við nemendur yngri en 20 ára með lögheimili í sveitarfélaginu, en einnig er úthlutað vegna söngnemenda í mið- eða framhaldsnámi og nemendur í framhaldsnámi í hljóðfærleik. Um úthlutun til þessara nemenda gildir reglugerð 23/2013. Nemandi sem orðinn er 20 ára og er við nám þegar samningur þessi tekur gildi skal þó eiga kost á að ljúka því námsstigi sem hann þá er á, með úthlutun sveitarfélagsins.

Skólanum er skylt að tilkynna um langtímaforföll kennara, eins mánaðar eða lengur sem staðfest eru með læknisvottorði. Ísafjarðarbær greiðir þann kostnað sem hlýst af slíkum forföllum.

TÍ skal innheimta skólagjöld. Skólagjöldum er ætlað að standa undir kostnaði við skólareksturinn öðrum en launakostnaði kennara og skólastjóra að svo miklu leyti sem rekstrarkostnaðurinn er ekki borinn af styrktar meðlimum eða annarri fjáröflun. TÍ er heimilt að innheimta gjöld vegna námskeiða og/eða námsbrauta sem njóta einskis eða skerts fjárhagslegs stuðnings sveitarfélagsins.

Ísafjarðarbær tekur ákvörðun um árlegt heildarfjármagn til tónlistarskóla. Heildarframlög til skólanna ráðast af árlegum fjárhagsramma Ísafjarðarbæjar og geta framlög til skólanna tekið breytingum milli ára.



1

[Handwritten signature]

3. gr.

Stjórn skólans.

Skólastjóri ber faglega og rekstrarlega ábyrgð á starfsemi skólans gagnvart Ísafjarðarbæ. Tónlistarskólinn ábyrgist að kennsla þeirra nemenda, sem innritaðir eru í skólann sé í samræmi við lög og reglugerðir og aðrar stjórnvaldsákvæðanir sem áhrif kunna að hafa á rekstur tónlistarskóla. Skólinn skal taka mið af skólastefnu Ísafjarðarbæjar í störfum sínum. Nemendur skulu fá kennslu að lágmarki í samræmi við námsskrá menntamálaráðuneytis

Óheimilt er samkvæmt lögum að ráða kennara eða starfsmann til starfa sem hlotið hefur refsidóm fyrir brot á ákvæðum XXII. kafla almennra hegningarlaga. Þetta á við um:

1. Kynferðisbrot skv. 22. kafla almennra hegningarlaga (engin tímatakörk).
2. Önnur ofbeldisbrot skv. 23. og 24. kafla almennra hegningarlaga, þ.e. refsidóma síðustu 5 ár en síðustu 3 ár varðandi aðrar niðurstöður mála.
3. Brot gegn lögum um ávana- og fikniefni, þ.e. refsidóma síðustu 5 ár en síðustu 3 ár varðandi aðrar niðurstöður mála.

4. gr.

Grundvallar forsendur

Tí vinnur eftir stefnu Ísafjarðarbæjar í fræðslumálum, jafnréttismálum, eineltismálum og forvörnum.

Fyrir þarf að liggja sérstakt samþykki menntamálaráðuneytis, sbr. lög nr. 75/1985 um fjárhagslegan stuðning við tónlistarskóla, til að samningur þessi sé gildur.

Liggja skulu fyrir við undirritun þessa sammings samþykktir fyrir skólann þar sem fram kemur rekstrarform, stjórn, fjármögnun, s.s stofnsamþykktir eða skipulagsskrá, undirritað af stjórn/skólanefnd skólans.

5. gr.

Rekstrar- og skýrslugjöf.

Tí skal samkvæmt lögum um fjárhagslegan stuðning við tónlistarskóla nr. 75/1985 skila áætlun um kennslu næsta skólaárs til Ísafjarðarbæjar eigi síðar en 1. maí ár hvert. Þar skal einnig koma fram áætlun um fyrirhugaðar breytingar á kennslu og kennslumagni. Bæjarstjórn tekur afstöðu til áætlunar skólans og gerir samkomulag við skólastjórn um kennslu og starfsmannahald fyrir 1. júlí ár hvert. Tí skal skila til Ísafjarðarbæjar fyrir 1. júlí ár hvert rekstrar- og starfsskýrslu ársins á undan. Skólinn skal láta Ísafjarðarbæ í té nauðsynlegar upplýsingar skv. 3.-5. grein reglugerðar 23/2013. Á þessum gögnum byggist áætluð úthlutun fyrir næsta ár.

Tí útbýr skólanámskrá og birtir hana á heimasíðu skólans. Í skólanámskrá skal auk námskrár tilgreina kennsludaga skóla, vetrarleyfi sé það tekið og tónleikahald. Skólanámskrá skal lögð fyrir viðkomandi skólanefnd til staðfestingar og kynnt fræðsluyfirvöldum sveitarfélags.



6. gr.
Gildistími.

Samningur þessi tekur gildi frá 1. ágúst 2014 og gildir í eitt ár. Vanefndir, svo sem varðandi skil á rekstrarskýrslum geta leitt til seinkunar eða stöðvunar greiðslna frá sveitarfélaginu.

7. gr.
Fyrirvari vegna breytinga á lögum

Verði gerð breyting á lögum nr. 75/1985, um fjárhagslegan stuðning við tónlistarskóla, eða reglugerð nr. 23/2013, um framlög úr Jöfnunarsjóði sveitarfélaga til eflingar tónlistarnámi og jöfnunar á aðstöðumun nemenda, er gerður almennur fyrirvari á samningi þessum, vegna aðlögunar breytinga á samningnum að þeim laga- eða reglugerðarbreytingum sem gerðar yrðu.

8. gr.
Force Majeure.

Hvorugur aðili verður talin hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.


9. gr.


Framsöl

Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.



Ísafirði, 17. september 2014


F.h. Tónlistarfélags Ísafjarðar.


F.h. Ísafjarðarbæjar.



Vottar að réttri dagsetningu og undirritun.

 231259-3419
 200869-5759

